

# Табасарандин

# СЭС



Табасаран райондин  
жямьяьтлугъдинна - политикайин газат



Голос  
Табасарана

№ 28 (1172) Жвуми, 12-пи июль, 2024-пи йис (2001-пи йисан 5-пи майдианмина удубч1вур)

## С. Меликов Сергогъала райондиз гъушну

Дагъустан Республикайин Глава Сергей Меликов 9-пи июль Сергогъала райондиз гъушну. Райондин центри республикайин руководитель саб жерге объектарин гъахъну. Ватан уьбхюри гъийихдарин яс гъюбхну ва цци 23-пи июндиз Мягъячгъала ва Дербент шагърари гъахъи бедбахтвалин гъядисйирхъди аьлакьалу аьгвалат гъял аплбан бадали, райондин активдихъди гюрюшмиш гъахъну.

Дагъустандин Глава СВО-ий гъак1и Султан Ражабовдиз Сергогъала райондин МФЦ-ийн дараматдик мемориалин къул ачмиш аплбаъ иштирак гъахъну. Султан Ражабов МФЦ-ийн лихурайи. Хъа 2022-пи йисан ихъ Ватандин сяръгъатар уьрхюз гъушнний. Женгнан месэлийр гъял аплури, думу цци февраль гъак1ну.

Сергей Меликовди Султан Ражабовдин адашдиз башсагълугъвалин гафар гъапну ва Дагъустандин лайикълу бай тербияламиш аплбан чухсагълум гъап1ну.

Хъасин Сергей Меликов райондин активдихъди гюрюшмиш гъахъну. Цци июндиз 23-ди гъахъи гъядисйиркан улхури, дугъу инсанвал дубгнайи ва эдебсуз тахсиркарин гъяракатари райондин аьдати агъалйирик т1амгъа кипну даккниваликан гъапну. Думу гъядисйирхъбан машгъур алимарин, духтрарин, писателарин, культурайин работникарин, спортсменарин ватан вуйи Сергогъала райондин тарихдин адлу машарилан ц1ар алдатуз хьибдар, къайд гъап1ну республикайин главайи.

Сергогъала райондин имарин Советдин председател Аббас Гюсейновди ислам диндин кьиматлуваларикан, террористар дурарихъбан ярхла вуйиваликан гъапну.

Райондин активдихъди гюрюшмишди гъац1ира райондин вижмасуз агъалйир удуч1вну гъулхну, дурари Мягъячгъала ва Дербент шагърари гъахъи инсафсуз терактарин тереф районди гъич сарира дибрисрайиваликан гъапну.

Аьхирь Сергей Меликовди Сергогъала райондин агъалйириз чухсагълум гъапну.

СМИ-йиан.

2024-пи йис - хизандин Йис

## СВО-ийн иштиракчйирин абйир-бабарихъди гюрюшмиш

Махлукъатлу хабрарин дакъатар хабар туврайиганси, улихнаси Дагъустандин Глава Сергей Меликовдин жягътлувалиинди Хизандин, ккунивалин ва вафалувалин йигъаз СВО-ийн иштирак шулайи военнослужайирин 25-йист1ан зина сат1иди яшамш шулайи абйир-бабарихъди гюрюшмиш к1ули гъушну.

Думу серенжемди гъамцдар игит баяр ахю гъап1у ургуб хизандиз теклиф гъап1нийи. Теклиф дап1найидарин арайиь Табасаран райондин Т1ивак гъулан агъалйир Абдугъямед ва Гюльгез Халикъовар айи. Халикъоварин хизандиан хъур бай СВО-ийн женгарий иштирак хъуз гъушну, дура-



рикан сар бай, Украинийн айи нацистарихъбан ихъ ватан уьбхюри, гъак1ну.

Дупну ккундуки, думу серенжемдиз Хив райондин агъалйир Беглер ва Беневше

Кибероварин хизандизра теклиф дап1найи, дурарин шубур бай СВО-ийн женгарий иштирак шула.

У. Къурбанова.

## Хизандин, ккунивалин ва вафалувалин йигъ къайд гъап1ну

Ихъ райондин «Жулжагъ гъулан совет» ва «Гурихъ гъулан совет» СП-ийрин дахилнаъ айи гъуларий яшамш шулайи, гизаф йисари сат1иди яшамш гъахъи, 8-рилан зина биц1идар ахю ва тербияламиш гъап1у хизанариз 8-пи июль шадвалин серенжем тешкил гъап1нийи. Серенжем «Табасаран район» МР-ин Глава Мягъямед Къурбановдин теклифниинди тешкил дап1найиб вуйи.

Думу шадвалин серенжемдиз «Гурихъ гъулан совет» СП-ийн дахилнаъ айи йирхъуб, «Жулжагъ гъулан совет» СП-ийн дахилнаъ айи ургуб гъулан агъалйиркан тафавутлудариз теклиф гъап1нийи. Серенжем Жулжгарин культурайин Хулаъ к1ули гъушннийи. Серенжемдиз «Табасаран район» МР-ин Глава Мягъямед Къурбанов к1ули ади райондин культурайин Хулан, ЦБС-ийн пишекрарин ва жара тешкилатарин вакиларин десте, къайд гъап1у гъуларин культурайин Хула-



рин, биц1идарин багъарин, мектебарин руководителар гъафнийи.

Серенжем ачмиш аплури, думу к1ули гъабхурайи райондин культурайин Управленийин начальникдин заместитель Арсен Аслановди уч духънайидар машкврахъди тебрик гъап1нийи ва улхуз гаф «Табасаран район» МР-ин Глава Мягъямед Къурбановдиз тувнийи. Дугъу чан улхбаъ му машквар ара-

ийз гъюваликан, серенжем ужуйи албагнайиваликан, ихъ райондин гъуларий му машквар аид вуйи хизанар гизаф яшамш шулайиваликан къайд ва райондин вари хизанар машкврахъди тебрик гъап1нийи. Хъасин дугъу му къюббиди гъуларин администрацийрин дахилнаъ айи хайлин гъуларин теклифниинди дуфнайи тафавутлу хизанарин вуйи

(Давам 2-пи машнаъ.)

## Мурар ихъ райондин утканвал ву

Цци июлин 4-ди райадминистрацияйин актовый залиъ райондин мектебарий урхурайидарин арайиан медалистарин ва отличникарин слет к1ули гъушннийи. Слетдиъ «Табасаран район» МР-ин Глава Мягъямед Къурбанов, райадминистрацияйин главайин заместитель Заур Мусаев, райондин образованиейин Управленийин начальник Абдусалам Гъясанов, педагогвалин зегметнан ветеран Тажутдин Мягърамов, выпускникар, мектебарин директорар ва жарадар айи.

Шадлугънан серенжем ачмиш аплури, Мягъямед Къурбановди урхбаъ заан аьгъювалар ади мектеб ккудубк1у, конкурсарий, олимпиадийриъ, спортдиъ хъуркъувалар гъазанмиш гъап1у урхурайидар тебрик гъап1нийи. Дугъу гъап1нийи; «Учу ихъ райондин утканвал вучва. Учву, уьмрин ахю рякъюь уч1врайи жигъилари, жележегдин уьмрин рякъ ктабгъбакан фикрар аплурачва, учву гъизигу зегметну учву хъуркъувалихъна хиди. Ичв абйир-бабарин, мялимарин, ич метлеб учву, наан гъахъишра, ихъ дагълу халкъдин ягънамус уьбхюб, инсанвалин лишнар к1ваълан гъадрауб, ичв хъуркъуваларинди учу шад ва уткан аплуб вуйич. Хъуд-йирхъуд йислан учву гъязурди вуйи ужудар пишекрар хьидичва. Зегметну инсанариз гъюрматра гъазанмиш аплури, хъуркъуваларра арайиз хуру. Дици вуйивалин гъи магъа ухъу шагъидар вухъа. Ихъ арайиь 100 балл гъадагъу къюр выпускница айихъ: Рушвларин къялан мектебдин выпускница Амина Гъяшимова (литературайиан) ва Табасаран райондин гимназияйин выпускница Жигъан Рамазанова (урус ч1алнаан). Къайд дап1ну ккундуки, региондин информация тартиб аплури

(Аьхир 7-пи машнаъ.)

## Райондин депутаттарин Собраниеин нубатнан заседание гъабхъну



2024-пи йисан 5-пи июль Табасаран райондин администрацияин заседанийр гъахру залиш «Табасаран район» МР-ин депутаттарин Собраниеин нубатнан сумчурна урчлувпи заседание гъабхъну.

Заседаниеий йигъандин гъамцдар месэлийр гъял гъапну:

1. «Дагъустан Республикайин «Табасаран район» МР-ин Уставди дигиш валар тлаъбан гъакънаан».

Му месэлайин мялумат райадминистрацияин деллопроизводствийин ва ихтирарин ляхнин отделин начальник Расим Абдусе-

лимовди тувну.

2. «Дагъустан Республикайин «Табасаран район» МР-ин Главайин ва «Табасаран район» МР-ин инвестициярин уполномоченныйдин ляхнин тясирлувалин асас улупбар тасдикъ апбан гъакънаан».

Му месэлайин мялумат райадминистрацияин экономикайин отделин начальник Мягъамадагъа Амирьяиевди тувну.

3. «Гъяракатнаъ адру мутмуйин объектар муниципалин хусусиятдиз ва Дагъустан Республикайин «Табасаран район» МР-ин администрацияин балансдиз гъадагъбан гъакънаан».

Му месэлайин гъакънаан мялумат «Табасаран район» МР-ин администрация-ийн мутмуйин, жилин алакыйрин, архитектурайин, градостроительствийин ва ЖКХ-ийн отделин начальник Акифин Межидовди тувну.

Юкьубпи месэла - жюр-бейюр.

Заседаниеий гъял гъапну месэлийриан тляукъ къарар къабул гъапну.

**И. ЯРЯЛИЕВ,**  
**«Табасарандин сес»**  
**газатдин клуин**  
**редактор.**

**Нуруллагъ**  
**РЯГЪИМОВДИ**  
**гъиву шикил.**

## Хизандин, ккунивалин ва вафалувалин йигъ къайд гъапну



(Эвел 1-пи машнаъ.) жилир ва хпир Гъюрматнан грамотийрихъди лишанлу гъапнийи.

Шадвалин серенжемди удучлвну улхури, «Жулжагъ гулан совет» СП-ийн глава Шагъимерден Гъасанаваевди душваз уч духънайидар кивантлан тебрик ва дураин хизанариз жележгиди хъуркъувалар хъуб ккун гъапнийи, райондин руководителин адресназ чухсагъулин гафар гъапнийи. Дугъу гъапи гафарихъна аьлава вуди, «Гурихъ гулан совет» СП-ийн глава Камалутдин Сеферовди чан ва чан коллективдин терефнаан уч духънайидар машкърахъди тебрик гъапнийи.

Ихъ гуларихъ клули гъягъ-

ру шадвалин серенжемарихъди мяракийира шулу, яни дицдар серенжемарихъди культурайин Хуларин пишекъари чпин устадвал улупуру. Му серенжемра гъирагъди гъибтундайи, душваъра мяълийирин, ялхъварин, мукъмар йивбан номерар улупнийи. Жулжгъарин бицидарин багъди аии баяр-шубари ва мектебди урхурайидари уч духънайидарин улихъ ялхъвар гъапнийи. Хъа Хючна культурайин Хулан пишекъари мяълийир гъурхнийи. Инкар аплурдархъа, дура серенжемдиз ужуйи гъазур духънайи ва ялхъварин, мяълийирин чпиз аии устадвал улупнийи, гаф адар. Узуз пуз ккундайиб гъадму вуйизки (му йиз

фикир вуйиз), бицидарин багъди аръаж шули, мектебди урхури имидитлан, ихъ баяр-шубар жара миллетарин мукъмарихъна жавабдар ксари гъаз вердиш аплурайклан? Фици-вушра, дура бицидар мицдар мяракийириз гъазур аплуру, гъаци вуйиган, дура думу баяр-шубариз табасаран халкъдин мукъмихъди табасаранарин ялхъван аплуз гъаз улупурдар? Сабсана, районди клули гъягъру мицидарди вари серенжемарихъди Хючнаарин культурайин Хулан пишекъари мяълийир урхуру, яни дура думу серенжемарихъди активно иштирак шулу, хъа райондин жара гъуларихъра культурайин (Аьхир 3-пи машнаъ.)

## Решение №184 от 05 июля 2024 г. О принятии в муниципальную собственность и постановке на баланс администрации муниципального района «Табасаранский район» Республики Дагестан объектов недвижимого имущества

В соответствии с Федеральным законом от 06.10.2003 г. № 131-ФЗ «Об общих принципах организации местного самоуправления в Российской Федерации», руководствуясь Уставом МО «Табасаранский район» в соответствии со ст. 22, 23, 24 Положения о порядке управления и распоряжения муниципальным имуществом, находящимся в собственности администрации муниципального района «Табасаранский район» Республики Дагестан, утвержденным Решением Собрания депутатов муниципального района «Табасаранский район» Республики Дагестан от 31.03.2014 г. № 155, а также в связи с обращением администраций муниципальных образований сельских поселений в адрес главы муниципального района «Табасаранский район» Республики Дагестан с просьбой принять в собственность объекты недвижимости, Собрание депутатов

**решает:**  
1. Рекомендовать администрации муниципального района «Табасаранский район» Республики Дагестан принять в собственность и на баланс администрации:

- земельный участок площадью 914 кв.м., кадастровым номером 05:17:000001:1101 из земель населенных пунктов, расположенный по адресу: Республика Дагестан, Табасаранский район, с. Хучни;

- нежилое здание площадью 691,4 кв.м. с кадастровым номером 05:17:000001:2355, расположенное по адресу: Республика Дагестан, Табасаранский район, с. Хучни;

- земельный участок площадью 1031 кв.м., кадастровым

номером 05:17:000002:631 из земель населенных пунктов, расположенный по адресу: Республика Дагестан, Табасаранский район, с. Хурик, ул. Мира, д. 1;

- нежилое здание площадью 339,7 кв.м. с кадастровым номером 05:17:000002:647, расположенное по адресу: Республика Дагестан, Табасаранский район, с. Хурик, ул. Мира, д. 1;

- нежилое здание площадью 254,5 кв.м. с кадастровым номером 05:17:000011:239, расположенное по адресу: Республика Дагестан, Табасаранский район, с. Гурик, ул. Школьная, д. 6;

- нежилое здание площадью 583,2 кв.м. с кадастровым номером 05:17:000004:536, расположенное по адресу: Республика Дагестан, Табасаранский район, с. Дюбек.

2. Внести соответствующие изменения в Реестр муниципального имущества администрации муниципального района «Табасаранский район» Республики Дагестан.

3. Решение вступает в силу со дня его подписания и подлежит опубликованию в районной газете «Табасарандин сес» и размещению на сайте администрации муниципального района «Табасаранский район» Республики Дагестан.

**Глава**  
**муниципального района**  
**«Табасаранский район»**  
**Республики Дагестан**  
**М.С. КУРБАНОВ.**  
**Председатель**  
**Собрания депутатов**  
**муниципального района**  
**«Табасаранский район»**  
**Республики Дагестан**  
**И.А. ИСАЕВ.**

## Решение №183 от 05 июля 2024 г. Об утверждении ключевых показателей эффективности деятельности Главы муниципального района «Табасаранский район» и инвестиционного уполномоченного муниципального района «Табасаранский район»

В целях создания благоприятного инвестиционного климата, оптимизации работы с инвесторами, организации взаимодействия при реализации инвестиционных проектов на территории муниципального района «Табасаранский район» и в соответствии с Приказом Министерства экономического развития Российской Федерации от 26 сентября 2023 г. № 672 «Об утверждении Методических рекомендаций по организации системной работы по сопровождению инвестиционных проектов муниципальными образованиями с учетом внедрения в субъектах Российской Федерации системы поддержки новых инвестиционных проектов («Региональный инвестиционный стандарт»)), Собрание депутатов муниципального района «Табасаранский район»

**решает:**  
1. Утвердить прилагаемые ключевые показатели эффек-

тивности деятельности Главы муниципального района «Табасаранский район» и инвестиционного уполномоченного муниципального района «Табасаранский район» в сфере сопровождения инвестиционных проектов с привлечением частных инвестиций.

2. Решение вступает в силу со дня его принятия и подлежит опубликованию в районной газете «Голос Табасарана» и размещению на сайте администрации муниципального района «Табасаранский район» в сети Интернет.

**Глава**  
**муниципального района**  
**«Табасаранский район»**  
**Республики Дагестан**  
**М.С. КУРБАНОВ.**

**Председатель**  
**Собрания депутатов**  
**муниципального**  
**района**  
**«Табасаранский район»**  
**Республики Дагестан**  
**И.А. ИСАЕВ.**

## Ккунивал, вафалувал, гьюрмат айи хизан бици ригъуз ухшар ву

«Ккунивал асас ирс ву», клури шулу. Аьхиризкъан думу уьбхювалра гьарсар касдин клубанвал вуди гьисаб шулу. Фунурихъан ккуниваликан гьерхишра, «Юкль улубкънайи вахтар варитан ужудар ву» клуру жаваб ебхуру, амма...

Ав, юкль улубкънайидариз гьирагъ-бужагъди айи ужуб, харжиб рябкъюрдар. Дурар анжах, чпин уьмриш шулайи дигиш валарин агъйир шулу. Ухъу фукъан клурушра, хал-хизан ккеб-гьиган, уьмур жара жюрейнуб шулу. Хизан ккебгьиган, дидихънара ухъу вердиш, думу уьмур чиб-чпин арайиш гьюрмат ади, сар-сарин гьавриш ахъри, сари гьаплу гьалатланан тмунури хил алдабгъури, хьаплу ккунду. Гьаци гьабхьиш, йиз фикриан, ккунивал, вафалувал гьаммишан дурарин уьмрин юлчйир хьиди. Хъа ккунивал, вафалувал айи хизандиан, умудлу вуза, берекет, шадвал, ислягъвал дудрургур.

«Хизан - му уьлкейин бина, уьмрин къяб ву», клури шулу. Гьарсар касдин хизандихъна вуйи ккунивал, хьугъвал, чиб-чпин гьавриш ахъувал хизандиш артухъ шулу, дурариз дуланажагъдиш, артмиш валиш иллагъки хизанди кюмек аплуру.

Гьулан шараитарш ярхи уьмур хьаплу касди гьамци клури шулу: «Гьулу инсан ляхнихъна тербияламиш аплуру. Фици гьапиш, гьулан шараитарш зегъмет дизиригди хилиз гьюруб адар. Гьулан агъалии хьарра, хутлйира, багъ-бистанра даплну, мал-къарара дюбхну ккунду. Гьаци дархьиш, хизандин дуланажагъ аплуз читинди алабхъуру». Гьаму вари ляхнар, йиз фикриан, ккунивал, вафалувал, гьюрмат айи хизандихъан удукьрудар ву, яни уьмрин мициб къайда ккунивал айи хизандихъантлан хьаплуз шлуб дар. Хъа дицдар хизанар, умудлу вуза, ихъ арайиш



хайлин а.

Мялум вуйганси, 2024-пи йис Урусатдин Президентдин Указдиз асас «Хизандин йис» вуди мялум даплна. «Хизандин йис» ихъ райондиш ачмиш аплбан серенжем 29-пи февраль Тинит1 гьулаш клули гьубшнейи. Серенжемдиз райондин администрацияин главайин заместитель Заур Мусаев, УО-йин начальник Абду-салам Гьасанов, «Табасаран район» МР-ин культурайин Управление» МКУК-дин директор Абдулвагаб Абдулов, «Тинит1 гьулан совет» СП-йин глава Хизритдин Сеидягъмедов, гьадму СП-йин гьуларш айи 5 игит-баб, гизаф бицидар айи 3 жигъил баб-дишагъли, 50 йистлан артухъ вахтна сатлиди яшаммиш шули, ахъю хизан яратмиш гьаплу дишагълийиш ва жилар, СВО-йиш гьуллугъ аплури ихъ халкъдиз ислягъвал бадали чпин жанар фида гьаплу жигъиларин абйир-бабар ва жарадар айи.

Райадминистрацияин главайин заместитель Заур Мусаевди чан ва райондин глава Мягъмед Къурбановдин терефнаан уч духънайидар вари шадлугънан мяракайихъди тебрик гьаплийи. «Хизандин йис» мялум аплбан метлебнакан гьапнийи, гележегдиъра сагъвал, шадвал, клул'ин ислягъ зав хьувал ккун гьаплийи. Хъасин дугъу душваз уч духънайидарин арайиан

игит-бабар, гизаф бицидар хъайи жигъил бабар ва 50-тлан зина йисари сатлиди яшаммиш шулайи хизанар райондин администрацияин Чухсагъулин кагъзарихъди лишанлу гьаплийи.

Ихъ райондин Тинит1 гьулан агъалийиш вуйи Мягъмедов ва Айсалат Мягъмедоварин хизан гьацдарикан саб вуди гьисаб аплуз шулу. Улихънаси узу Айсалатдихъди гьюрюшмиш гьахънийза ва мугъкан чпин хизандикан пуб ккун гьаплийиша. Мугъу гьамци гьапнийи:

- Йиз жилир, Мягъмед, Ватандин Ахъю дявдин иштиракчийин хизандиш бабкан гьахъну. Мурар хизандиш къюр чина сар чве айи. Дявдин къяляхъ гьафи мугъан гага кечмиш гьахъну. Дадаи, Айнаханумди, дурар ахъю ва тербияламиш гьаплу. Йиз сижар Айнаханум жилариз барабар кас вуйи. Фунур ляхинра тамам аплури, хизандин дуланажагъ аплуз клубнир вуйи, ялгъуз дишагъли вуза клури, жарадарин къяляхъ гьузурдайи. Гьулан дишагъли, думу кюмгъригъ цла уьбхру кейванира, бицидарин бабра, мяслягъчира ву. Хизандин кюмекнинди, дугъхъан вари ляхнар тамам аплуз удукьуру, хьуркъуру. Думу гьаци дубхънура ккунду, гьаз гьапиш хизан бадали дишагълийи вари аьгъ аплуру.

Узу ихъ райондин Бургъанкент гьулаш рабочийин ахъю

хизандиш бабкан гьахъунза. Уч хьур чи ва къюр чве вуйча. Бицидихъанмина гьулан шараитарш ляхнийн вердиш гьахъириш, жилирин хулаш гьагъиди алабхъундаруз. Йиз сижар Айнаханумдин кюмекнинди, хизандин дуланажагъ аплуз чалашмиш шулча.

Хьуцлур йистлан зина сатлиди яшаммиш шулайи ихъ хизан бахтлуб вуди гьисаб аплураза. Ав, хизан бахтлуб хьпан бадали, душваш сифте ккунивал, чиб-чпихъна гьюрмат ади ккунду. Ккунивали дагълар даргъуз кюмек аплуру, думу гьаци клуру гаф вуки, ккунивал, вафалувал айи хизандихъан уьмрин читинвалариан удучлуз, хизандин месэлийиш рягъятди гьал аплуз шулу. Мициб албагу, чиб-чпин гьавриш айи хизан учуз айивалиин гизаф шад вуча.

Ляхникан улхуруш, йиз жилир Мягъмед заан образование айир ву. Думу совет уьлкейин девриш РТП-йин директорди, инженерди ва Хючнар жара хайлин гьуллугъарш гьилихну. Ич гьулан мистарикан сабдин имам ву. Узу сумчлур йисантлан зина халачийрин фабрикайиш халачачиди гьилихунза. Фабрикар гьадаргъиган, жуван багъ-бахчайиш, хулаш ляхин аплури гьахъунза. Гьамус лайикълу рягъятвалиш аза.

Йиз уьмрин ахъюну пай совет уьлкейин девриш гьубшуб вуйган, думугантлан гьийин девриш рягъятвалар артухъ ашра, думу девир къабулди вуйуз. Гизаф ужуш девир вуйи. Фунур касдизра, фициб пишейин эйсийизра, тамам аплуз булди ляхин шуйи. Халачийрин фабрикартлан савайи, гьуларш совхозар гьяркатнаш айи. Гьулан раццарихъ булди тахил, лембе, аьлаф шуйи. Йимишар, тлумтлар, бистнин мейийиш гьасил аплуйи. Инсанарин арайиш гьюрмат айи, закурин йигъак агъалийрин умуд кайи.

Йиз жилирихъди юкъур байна сар риш ахъю ва тербияламиш гьаплунча. Миржирилан зина хтулар, ургур гудул ачуз. Дурариз гьаруриш чпин хизан а, ихъ уьлкейин жюрбежюр шагърарш яшаммиш шула. Сар байна швушв учухъди сатлиди яшаммиш шулайиш. Дурар къюбредра мялимар ву.

Учуз айи хьарар-хутлар-тлан савайи, жвугърийрин хусуси багъра ачуз. Дурар тартиб аплури, гьазанжар гьадагъурча. Кми-кмиди учуз гьамциб суал туври шулу: «Мициб албагу, гьудубкъу хизан фици тешкил гьаплунча, дидин сир йипайчва?». Дидин сир гьадму вуки, абайихъна-бабахъ хъпехъру веледар хьувал. Йиз жилири дурар дюз рякъ'ин алауру, аьгъдруб улупуру. Баяр-шубар чпин хизанарихъди жара йишварш яшаммиш шулашра, чпин гагайихъан гьедрехъди саб ляхинра аплурдар. Чпин гагайин гьюрмат уьбхюру.

Жилир хпирин даягъ, хпир жилирин тереф уьбхур рухъну ккунду. Гьаци, албагуну яшаммиш шулайи дадана гага, йиз фикриан, баяр-шубариз нумуна ву...

Ккунивал, вафалувал, гьюрмат айи хизан ухъуз манишин туврайи бици ригъуз ухшар ву. Думу манишну хизан аргъаж, гележег хъайиб хъуз кюмек аплуру.

Гьит ихъ хизанарин клуллан ригъун мани нурад кам даришри. Ихъ арайиш ккунивал, вафалувал айи хизанар артухъ ишри.

Ккудубшу хизандин, ккунивалдин ва вафалувалдин йигъахъди райондин думу дережайин хизанар тебрик аплураза, ихъ вари хизанар ижмидар, гележег хъайидар, бахтлу бицидар аргъаж шлудар ишри.

Угълангерек  
АБДУЛКЕРИМОВА,  
отделин редактор.

Нуруллагъ  
РЯГЪИМОВДИ  
гьиву шикил.

## Хизандин, ккунивалдин ва вафалувалдин йигъ къайд гьаплу

(Эвел 2-пи машнаш.) хайлин Хулар а, аьхир. Мицдар шадвалин серенжемариз думу гьуларин культурайин Хуларин пишекрарра жалб гьаз аплурдар? Гьаммишан садар артистарихъ, садар мягълийирихъ хъпехъайиз-тлан, жюрбежюрдар вуш, ужуи ву, аьхир.

Серенжем заан дережайиш клули гьубшнейи. Думу тешкил аплбак къайд гьаплу администрацияин хайлин жавабдар ксари пай кивну. Ав, серенжемдиз дуфнайидарин хайлин яшар вуйи, гьаци вушра, дурар сягънайиана райондин руководителдин хил'ан Чухсагъулин кагъзар гьадагъуз ахъю аьшкънийинди удучлуйи, чпи кльаин даплну, му серенжемдиз чпиз теклиф аплбан чухсагъул мялум аплуйи.

Ухъура дурар машкврахъ-



ди тебрик аплури, ихъ гьюзимбу гележегдин хизанариз дурар нумуна хьуб, дурарира гьацдар хизанар тешкил аплуб ккун аплураха. Ав, ихъ район совет уьлкейин девришра гизаф бицидар айи хизанар айивалиинди адлу вуйи. Гьира ихъ райондин агъалийиш, деврин дигиш валариз, читинвалариз дилигди, ахъю ва албагу хизанар тешкил аплуз чалашмиш шулу. Дицдар хизанар ашкар аплуз, дурарин гьайгъушнаш хъуз гьарсар жавабдар кас буржлу ву. Гьаци гьабхьиш, ихъ миллетдин артмиш'вал къяляхъ хьибдар, анжах заанвал хьибди.

Угълангерек  
АБДУЛКЕРИМОВА,  
Нуруллагъ  
РЯГЪИМОВДИ  
гьиву шиклар.

## «Главное - знать, где добро и зло, и не нарушать законы жизни» - говорит 100-летняя Сериеханум Аллахвердиева



8 июля, в День семьи, любви и верности, глава Табасаранского района Магомед Курбанов навесил жительницу села Марага Сериеханум Аллахвердиеву, которой исполнилось 100 лет.

Он передал землячке поздравительную телеграмму Президента России, а также цветы и Почетную грамоту главы района.

В составе делегации, которая пришла поздравить жительницу, были также заместитель председателя Собрания депутатов района Яшар Абдулов, председатель Совета старейшин района Кумалат Кумалатов, директор КЦСОН района Тимур Алиев, глава Марагинского сельсовета Магомед Пирмагомедов и другие.

Руководитель муниципалитета зачитал перед долгожительницей текст телеграммы. «Мы искренне гордимся Вашим поколением - поколением победителей и создателей. Ваш жизненный путь всегда будет служить примером стойкости, веры в добро и справедливость, глубокой, беззаветной любви к Родине», - в частности говорится в телеграмме.

А стойкости Сериеханум было не занимать. Совсем молодой девушкой она вышла замуж за вдовца с 3 детьми. Муж Джамалутдин работал бригадиром в совхозе «Ленин елу», а Сериеханум там же рабочей. Она родила 5 детей.

«Много трудностей пришлось испытать в жизни. Я похоронила 5 своих детей в цветущем возрасте, и 3 невесток. Страшное горе удавалось пережить только благодаря труду. Работала, не покладая рук. Молодым хочу сказать: не теряйте надежду на Всевышнего, человек может дожить и до светлых дней», - делится в беседе долгожительница.

В начале Великой Отечественной войны женщине пришлось рыть окопы, затем работать в тылу. Она ветеран войны, труженик тыла и ветеран труда. Награждена медалью «За доблестный труд в Великой Отечественной войне 1941-1945 гг.», памятными медалями.

Мужа Сериеханум похоронила 35 лет назад, сейчас жизнь пожилой женщины скрашивают внуки, правнуки, которых больше 50. Чувствует она себя хорошо, не изменяет режиму дня, следит за здоровьем. По ее словам, сейчас всё есть, чтобы люди были довольны жизнью, и главное - знать, где добро и зло, и не нарушать законы жизни.

## О гимне и флаге Табасаранского района

9 июля в администрации Табасаранского района прошло 2-е заседание конкурсной комиссии по отбору лучшего текста гимна Табасаранского района. Всего на конкурс тексты представили 7 авторов – Шюшеханум Керимова, Абдулмеджид Курбанов, Гаджимагомед Гаджиев, Абдурагим Абдурахманов, Аликрам Гасанов, Эльмира Ашурбекова и Тельман Раджабов.

На 1-м заседании комиссии, которое прошло 2 июля, тексты прошли литературоведческий анализ. На 2-м заседании каждый автор прочитал свои стихи, объяснил членом конкурсной комиссии, какую идею хотел воплотить в своём творче-

стве. По итогу работы двух заседаний после обсуждения и исключения смысловых и логических недостатков, конкурсной комиссией был определен текст, который ляжет в основу гимна района, и было решено, что тремя авторами Абдурагимом Абдурахмановым, Эльмирой Ашурбековой и Абдулмеджидом Курбановым он будет доработан. Поэтам поручено в течение двух ближайших недель завершить работу и вынести текст на утверждение. На заседании также утверждён один из проектов эскизов флага МР «Табасаранский район», который будет доработан.

Пресс-служба райадминистрации.

## Родным погибших на СВО военнослужащих вручили ордена Мужества

Руководитель муниципалитета Магомед Курбанов совместно с заместителем военкома района Надиром Шихахмедовым вручили ордена Мужества родным военнослужащих, погибших в ходе специальной военной операции.

Указом Президента РФ за мужество, отвагу и самоотверженность, проявленные при исполнении воинского долга, младший сержант Артур Муртазаев из села Арак и сержант Ариф Исмаилов из села Ерсид удостоены орденов Мужества посмертно.

В церемонии вручения награды приняли участие председатель общественной палаты района Алимурза Гасанов, председатель Совета старейшин Кумалат Кумалатов и представители администраций Ерсинского и Аракского сельских поселений.

Магомед Курбанов и все присутствующие выразили вдовам и семьям бойцов слова соболезнования в связи с постигшей их трагедией, пожелали здоровья их детям и всем близким, а также выразили готовность оказать поддержку и помощь в любых вопросах. «Жаль терять таких сыновей, мы скорбим вместе с вами. Вы воспитали настоящих мужчин и можете гордиться ими. Они проявили мужество, отвагу и отдали свои жизни за безопасность и целостность страны. Их имена навсегда вписаны в историю нашего района», - сказал Магомед Курбанов, обращаясь к родным погибших.



Младший сержант Артур Муртазаев с 2011 года служил по контракту в Чеченской Республике в мотострелковом полку минометной батареи. В зону СВО он был направлен с самого начала, с 2022 года служил на

из-за ран, полученных в зоне СВО. У него остались жена и 4 детей.

Сержант Ариф Исмаилов был направлен в зону СВО в ходе частичной мобилизации в 2022 году. В составе Гвардейского мотострел-



Запорожском направлении. За храбрость, мужество, проявленные в боевых действиях поощрён несколькими наградами: орденом Жукова, «За воинскую доблесть». Боец погиб 14 февраля 2024 года в госпитале г. Севастополь

кового полка он служил на Луганском, Донецком и Запорожском направлениях. Вследствие полученных ран он скончался 23 марта 2024 года. У него остались жена и ребенок.

Фото Н.РАГИМОВА.

## МВД Дагестана призывает...

МВД Дагестана призывает граждан быть бдительными и не отвечать на фейковые аккаунты руководителей в мессенджерах - они могут принадлежать мошенникам. Злоумышленники изучают информацию о руководителе фирмы и создают в мессенджере фейковый аккаунт, после чего пишут сотруднику, выдавая себя за его начальника. Например, мошенники, не только используют информацию из общедоступных источников, устанавливая в качестве аватара фото

руководителя, но и могут применять поддельные аудиосообщения, генерируя голосом, похожим на начальника. После короткого диалога мошенники дают от лица руководителя или директора указание перевести денежные средства на указанный счет. В большинстве случаев злоумышленники также давят на жертву, указывая на якобы имеющуюся срочность ситуации.

МВД по Республике Дагестан.

## ПРИЛОЖЕНИЕ УТВЕРЖДЕНЫ

к Решению Собрания депутатов муниципального района «Табасаранский район» Республики Дагестан от 05 июля 2024 г. № 183

### КЛЮЧЕВЫЕ ПОКАЗАТЕЛИ эффективности деятельности Главы муниципального района «Табасаранский район» и инвестиционного уполномоченного муниципального района «Табасаранский район» Республики Дагестан в сфере сопровождения инвестиционных проектов с привлечением частных инвестиций

№ п/п	Наименование показателей	Единица измерения	Источник
1.	Количество инвестиционных проектов, реализованных на территории муниципального района «Табасаранский район» Республики Дагестан в течение трех лет, предшествующих текущему году	Единиц	Реестр инвестиционных проектов Республики Дагестан
2.	Количество инвестиционных проектов, реализуемых и планируемых к реализации на территории муниципального района «Табасаранский район» Республики Дагестан в текущем году	Единиц	Реестр инвестиционных проектов Республики Дагестан
3.	Объем инвестиций, направленных на реализацию инвестиционных проектов на территории муниципального района «Табасаранский район» Республики Дагестан в течение трех лет, предшествующих текущему году, в расчете на 1 жителя	Рублей	Территориальный орган Федеральной службы государственной статистики по Республике Дагестан.

## Мурар ихь райондин утканвал ву

(Эвел 1-пи машнаь.)

центрин мялуматариинди, ихь республикаийъ 100 балл гьадагъу выпускникарин къадар варждилан зина ву. Хъа гьадарин арайиан имтигънар тувбаан сагъиди варитан гизаф баллар гъазанмиш гьапидарикан сарпир РЦО-йин выпускник Мақсим Шубин ву (291 балл), хъа къюрпир ихь райондин вуйи Амина Гьяшимова (290 балл) ву.

Амина Гьяшимова ва Жигъан Рамазанова кIвантан гъизигу марци зегъметну гьацдар хъуркъуваларихъна гъахну. Гележегдиъра гьамцдар хъуркъувалар гъазанмиш аплуз чалашмиш йихъай! Ичв хъуркъуваларинди абйир-бабарин юкIвар шад, учвз агъювалар туву мялимар, мектеб ва район уткан аплинай. Учвз ягъурлу рякъ хъуб ва кIваъ айи умудар кIулиз адагъуб лап кIвантан ккун аплурача».

Хъасин гаф педагогвалин зегъметнан ветеран Тажутдин Мягърамовдиз тунийи. «Гъи гьамциб шадвалин,



вахтна чпин тереф гъюбхю абйир-бабариз, чпин мектебарин мялимарин коллективариз, директорариз кIвантан чухсагъул гъапнийи.

«Узу баяр-шубариз агъювалар тувуб, уьмрин рякъюз дурар гъазур аплуб, варитан рягъимлу пише вуди гъисаб аплураза, мялим хъуз къаст дапIназа», - гъапнийи Амина Гьяшимовайи.

Амина Гьяшимовайин адаш Хайрулла Гьяшимовади чан шуран мялимариз, шуран хъуркъувалариз ужуб

гъамус Санкт-Петербургдин гъюкуматдин медицинаин университетдин студент Къягъриман Сеферова айи. Дугъу чаз айи тажрубайикан, чав пише ктабгъруган, кIваз варитан хуш вуйи пише ктабгъуваликан, чав ктабгъу пишейиин абйир-бабарра рази хъуваликан, урхбаъси чав агъювалар гъадагъурайи вуздин жямаятлугъ уьмриъра иштирак шлуваларин китбтнийи ва жигълариз хайлин насигъятнан гафар гъапнийи.

сабпи дережайин (гъизилин) хъа 14 выпускникдиз къюбпи дережайин (арсран) медалар тувну. Медализ лайикълу вуди мектеб ккудубкIу урхурайидарин арайиъ грантдин ва ччвурнахъан вуйи стипендияин сагъибарра айи. Райондин главайин ччвурнахъан вуйи стипендияин лауреатар ихь райондйи ццийин йисан шубур урхурайир айи. Грантдин сагъибар Жигъан Рамазанова, Амина Гьяшимова ва Хючнаарин къюбпи нумрайин къялан мектебдиъ урхурайи Аълибег Исмаилов гъахъну. Думу стипендия Мягъамед Къурбановди 2014-пи йисан учв Дагъустан Республикаийн Жямаятлугъ палатаийн член вуйи Серенжемдиъ медалистартан савайи, Республикаийн зональнйи «Гъавай шубар!» конкурсдиъ приздин йишв гъазанмиш гъаплу Кюргъарин къялан мектебдиъ заан классарий урхурайи шубарин десте, дурарин руководитель, Кюргъарин къялан мектебдин директорин урхбанна-тербийин ляхнариз



гележегдин наслин хъуркъуваларин мяракаийи иштирак хъувалин гизаф шад вуза. Ихь райондин мектебарий урхурайидарин арайиъ медалистарин къадар йисан йисаз аргухъ шулайивалира юкIв шад аплуру. Узу мялимди, районойин заведующийди лихурайи йисари урхурайидариз гьмцдар ужудар шараитарра адайи, райондйи медалистарра сар-къюртIан шулдайи. Учвз гележегдиъра хъуркъувал, ягъурлувал ккун аплураза».

Амина Гьяшимовайи, Жигъан Рамазановайи чпис ужудар агъювалар гъадагъбан бадали шараитар яратмиш гъаплу райондин глава Мягъамед Къурбановдиз, урхуз мумкинвал туву, гьарсаб

къимат туврайи райондин руководствойиз, райондин образованиеийн Управлениеийн чухсагъул гъапнийи. Амина Гьяшимовайин мялим Зиявутдин Гьяжиевди, Жигъан Рамазановайин мялим Гъаваханум Байрамялиевайи шубарин гъакънаан, дурарин чалашмиш валикан, урхбаъ, дурар жямаятлугъ уьмриъра активнйи иштиракчйир хъуваликан, шубар чпи чалашмиш хъуз, чпин буржйир дикъатниинди кIулиз адагъуз ккунидар вуйиваликан гъапнийи ва гележегдиъра хъуркъувалар ва гьарсабдиъ ягъурлувал ккун гъапнийи.

Му шадлугънан серенжемдиъ Цийи-Лижв'арин къялан мектебдин выпускник,

Хъасин серенжемдин варитан шаду дакъикъайин вахт улубкънийи. «Табасаран район» МР-ин Глава Мягъамед Къурбановди варж балл гъазанмиш гъаплу шубар Амина Гьяшимова ва Жигъан Рамазанова 50 агъур манатдин сертификатарихъди, главайин грантарихъди, хъа дурарин мялимар Зиявутдин Гьяжиев ва Гъаваханум Байрамялиева 25 агъур манат пулин сертификатарихъди лишанлу гъапнийи.

Ццийин йисан ихь райондин мектебарин вари 39 выпускникди медализ лайикълу вуди мектеб ккудубкIну. Гьадарикан 25 выпускникдиз «Агъювалар гъадагъбаъ заан хъуркъувалариз лигъну»,

лигъу заместитель Айханум Рашидова райадминистрацияин терефнаан Гьюрматнан грамотийрихъди лишанлу гъапнийи.

Гюрюшмиш выпускникарин суалариз Мягъамед Къурбановди жавабар тувбинди давам гъабхънийи. Гъит ихь выпускникариз ахъю уьмриз ягъурлувал ва хъуркъувал юлчйир ишри!

**Фарзилат РАЖАБОВА.**  
**Шикларий:** 1.«Табасаран район» МР-ин Глава Мягъамед Къурбанов ва варж балл гъазанмиш гъаплу Амина Гьяшимова ва Жигъан Рамазанова. 2. Медалистарин ва отличникарин райондин слетдин иштиракчйир.

**Н. РЯГЪИМОВДИ**  
**гъиву шиклар.**

## Кейваниийиз

### Меъли цIикаб

Меъли цIикаб гъазур аплубан бадали, хямир гъазур аплуз лазим шулу: 6 мурта, 2 атакан шекер, 0,5 литр никк, 1 чайран муччврий айи дун (дрожжи), 1 пачка маргарин, цIибди къил. Жараригъ гъяпIбан бадали ужу ву: мишмишарин, жвугърийрин, кумшарин, вичарин, хуттарин, жихрарин повидла, шлиз фициб ккундуш. Гъазира гъарягъю кинцIар ва лимон шекрихъди кидикъну ужуйи ву.

Хямир гъамци гъазур аплуру: муртйирна шекер каф гъайиз ккархру, гъаддик маргарин капIну, къилра кабхъну, дун кубзру ва, хю кабхъри, мани никк кубзри, гъюди хямир ктIибшуру.

Хямир адабшвбан (удубчIвбан) бадали, гъибиржну, манишин кайи йишвахъ дивру. Узу, хямир удубчIвбан бадали, цIибди ахъюшин ккайи тазраъ мани шид убзну, хямир айи таз гъадий ивну, элбкуру шулза. Гъазур гъабхъи хямир сабсана ражну убжну, хъана удубчIвуз гъитру. Хъана удубчIву хямир цIикаб гъазур аплуру тавайин къадарназ лигъну, пай аплуру. Гъациб къадар хямрикан 3-4 цIикаб гъазур аплурза. Хъа узу меъли цIикаб гъазур аплурган, 3 жар алди гъазур аплурза.

Тава цIибди мани дапIну, дабкIнайи ахъюнуб жар даргарикра кади дидий ипру. Гъаддигъ гъазурди айи, повидла гъяпIру. Гъадму гъяпIрубра цIибди манишин кади ккунду. Гъацидархъиш, думу ккутуз къан аплуру. Хъасин вуйи жар цIиб бициди абкIуру ва илипуру. Дидигъра гъяпIру. Хъа зийн али жар, гаркIлихъди кешрийир адатIну, илипну, сабпи жарнан китIибгънайи гъирагъдик, кешре айиси убгъури, китIру. Хъана учувуйи шулу, гъамциб сагъ гъаплиган.

Сабпи жар ипну, дидгъан гъазурди вуйи повидла гъадатуру. Къюбпи жар ахъюди дабкIну, дид'ан гергми ккиккар адатIну, гьадаригъ гъарягъю кинцIар кахъну, повидла гъяпIру. ГъяпIнайи ккикк шиклий айиси къюб жарди алапIну, дидин клакIар чиб – чпик куркIруси дидиржну, сабпи жарниин чиб – чпихъди ражнахъди иливури, вари йишв алабцIуру. Гъац гъазур гъабхъи меъли цIикаб мани йишвахъ ккутуз дивру. Ккутнайи цIикаб зиълан щеткайихъди мурта алдатну, 170-180 градус манишин айи духовкаийи, 30-40 дакъикъайиъ убжну. Гъац гъазур гъаплу меъли цIикаб уччубра, ищибра шулу. Диди ичв машквран суфра балгиди.

**Ф.РАЖАБОВА.**

Хючна-Жулжагъ рякъ рас аплуз вуйи гафар-чIалар аплури, хайлин йисар ву. Думу месэлайин гъакънаан «Гурихъ гъулан совет» ва «Жулжагъ гъулан совет» СП-йирин дахилнаъ айи гъуларин агъалйир соцсетариан райондин руководителихъна кми-кмиди илтIикIуру. Гъаддихъди аьлакьалу вуди,

«Табасаран район» МР-ин Глава Мягъамед Къурбановди чан телеграмм-каналанин мялум аплура: «Республикаийн Дербент-Хючна-Хив рякъюн Хючна-Жулжагъ машинари гъаракат аплуру рякъ (8 километр манзил) Дагъавтодорин дахилнаъ а.

Райондин администрация, республикаийн рякъярин ва транспортдин мяишатдин Министерствойиз зинихъ къайд гъаплу рякъ рас аплуз пулин дакъатар деетуб ккун аплури, саб-швнуб ражари илтIикIну. Натийайиъ рякъюн проектно-сметный

документар гъазур гъаплу, гъюкуматдин экспертари дузи къарар адабгъну. Гъаму йисан ахъириз Хючна-ан Жулжагъна 8 километр манзил рякъ аплуз торгар тыйин аплуди. Думу рякъ 2 йисандин арайиъ 2 этапдйи тикмиш аплуди, гъаз гъапиш

8 километр манзил рякъ сад йисан тикмиш дапIну ккудубкIуз читинди алабхъуру».

Райондин главайи къайд гъаплиганси, рякъ 2026-пи йисан тикмиш дапIну ккудубкIуз планламиш дапIна.

(СМИ-йиан гъазур гъаплу У.АБДУЛКЕРИМОВА).

